

Broj: 03-05-460/17
Sarajevo, 18.4.2017. godine

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	24-04-2017		
Org. jed.	Broj	Priloga	Vrijednost
05/2-	02-	163/17	

PARLAMENT FEDERACIJE BOSNE I HERCEGOVINE

Dom naroda
gđa. Vesna Saradžić, delegatkinja
gosp. Izmir Hadžić, sekretar

Predmet: Odgovor na delegatsko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10 i 62/10), a u vezi sa članom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), u prilogu Vam dostavljam odgovor na delegatsko pitanje koje je na 20. redovnoj sjednici Doma naroda Parlamenta Federacije Bosne i Hercegovine, održanoj 30.3.2017. godine, postavila delegatkinja Vesna Saradžić, a koje je aktom broj: 05-02/11-245/2017 od 13.4.2017. godine, dostavila Federalna uprava civilne zaštite.

S poštovanjem,

NO
SEKRETAR VLADE
mr. sc. Edita Kalajdžić



Prilog: kao u tekstu

Broj: 05-02/11-245/2017
Sarajevo, 13.4.2017. godine

VLADA FEDERACIJE BOSNE I HERCEGOVINE
GENERALNI SEKRETARIJAT VLADE FEDERACIJE BIH
n/r g-đa Edita Kalajdžić, sekretar Vlade Federacije BiH
71000 Sarajevo
ul. Alipašina 41

3922/17
14.4.2017
03-05-460/2017

PREDMET: Delegatsko pitanje Vesne Saradžić, delegatkinje Doma naroda Parlamenta Federacije Bosne i Hercegovine, *odgovor dostavlja,-*

Aktom broj: 05/2-02-163/17 od 3.4.2017. godine, Sekretara Doma naroda Parlamenta Federacije Bosne i Hercegovine dostavljeno je delegatsko pitanje, koje je za Federalnu upravu civilne zaštite Federacije Bosne i Hercegovine, postavila delegatkinja Vesna Saradžić, na 20. sjednici Doma naroda Parlamenta Federacije Bosne i Hercegovine, održanoj 30.3.2017. godine.

Navedeno delegatsko pitanje, odnosi se na poduzimanje preventivnih mjera zaštite od požara na otvorenom prostoru. U ovom periodu pripreme zemljišta, često se spaljuju suha trava i nisko rastinje, pored puteva u blizini šuma. Šumski požari bilo da su izazvani ljudskom nepažnjom ili na drugi način mogu ugroziti ogromne prostore što ovih dana i svjedočimo na području Općine Konjic, u vezi s tim, dostavljamo odgovor na delegatsko pitanje kako slijedi:

Federalna uprava civilne zaštite, u skladu sa svojim nadležnostima, provode niz aktivnosti s ciljem predupređenja pojava požara na području Federacije BiH prije nastupajuće požarne sezone, kao i druge potrebne aktivnosti u toku požarne sezone, kao što su:

- upućivanje preporuka nadležnim organima kantona, općina/grada za poduzimanje preventivnih mjera zaštite od požara na područjima kantona, općina i grada,
- svakodnevno praćenje stanja zaštite od požara na području Federacije BiH, putem redovnih izvještaja koje priprema Operativni centar Federalne uprave civilne zaštite, na osnovu podataka o pojavama požara koje dostavljaju operativni centri civilne zaštite kantona, općina/grada,
- razmatranje stanja zaštite od požara na području Federacije BiH, u uslovima povećane požarne opasnosti po ljude i materijalna dobra zbog pojave požara velikog obima i intenziteta,
- obilazak i izviđanje požarom ugroženih područja Federacije BiH,
- upućivanje naredbi ili apela za pomoć, nadležnim organima kantona, općine i grada koji nisu ugroženi požarom, za angažovanje njihovih vatrogasnih snaga i sredstva, te snaga i sredstava civilne zaštite, kojim će se, na području jednog ili više kantona pružiti potrebna pomoć u gašenju velikih požara na otvorenom prostoru ili drugih velikih požara,
- razmatranje zahtjeva za pomoć koje dostavljaju nadležni organi kantona, općina/grada, u uslovima kada raspoloživim snagama i sredstvima nisu u mogućnosti gasiti velike požare na otvorenim prostorima, te im je potrebna pomoć vatrogasnih jedinica, odnosno pomoć Oružanih snaga Bosne i Hercegovine ili međunarodna pomoć drugih država.

Federalna uprava civilne zaštite, koordinira potrebnim aktivnostima sa nadležnim organima Bosne i Hercegovine, odnosno, Ministarstvom odbrane Bosne i Hercegovine i Ministarstvom sigurnosti Bosne i Hercegovine, u provođenju procedura s ciljem pružanja pomoći i međunarodne pomoći drugih država, što se prije svega odnosi na angažovanje helikoptera i aviona na gašenje požara otvorenih prostora na ugroženim područjima i druge potrebne aktivnosti propisane Zakonom.

Takođe, treba napomenuti da obavezu donošenja planova zaštite od požara za svoje područje, u skladu sa izrađenom procjenom ugroženosti od požara za to područje, na način predviđen Zakonom, imaju:

- kantoni, općine i grad, kao i pravna lica, organi i institucije;
- nadležni organi, pravna lica i druge institucije kojima su data na korištenje i upravljanje zaštićena područja prirode i kulturno – historijskog naslijeđa.

Isto tako, vlasnici ili korisnici šuma i šumskog zemljišta, imaju obavezu izrade i donošenja procjene ugroženosti šuma od požara za potrebe izrade godišnjeg plana za zaštitu šuma od požara, za područje kojim gospodare - gazduju, praćenje realizacije utvrđenih mjera zaštite od požara u tim planovima, odnosno njihovo ažuriranje, u skladu sa propisima koji se odnose na šume i šumsko zemljište.

U skladu sa članom 22. stav 2. Zakona, utvrđena je obaveza da općinsko, odnosno gradsko vijeće, a u kantonu, vlada kantona, svake godine do kraja februara, razmatra i ocjenjuje realizaciju plana zaštite od požara za svoje područje, te vrši odgovarajuće izmjene sa novonastalim promjenama koje su važne za zaštitu od požara.

Mjere i aktivnosti koje se utvrđuju u procjenama ugroženosti od požara i planovima zaštite od požara su od najvećeg značaja za organizaciju i funkcionisanje preventivne zaštite od požara, gdje između ostalog, utvrđuje odgovarajući broj vatrogasnih snaga za efikasno obavljanje vatrogasne djelatnosti na području ili prostoru, te postizanje spremnosti za odgovor u borbi protiv požara.

U tom smislu i kontekstu, krajem marta i početkom aprila 2017. godine, registrovano je značajno povećanje broja požara na otvorenom prostoru, u većini jedinica lokalne samouprave na području Federacije Bosne i Hercegovine, gdje je došlo do više požara na otvorenom prostoru.

Najteža situacija je bila na području Općine Konjic, gdje je dana 29.03.2017.godine, došlo do izbijanja velikog šumskog požara u reonu rijeke Šištice kod Boračkog jezera (mjesto tzv. Knjina), Općina Konjic.

Služba za civilnu zaštitu i vatrogastvo Općine Konjic, odmah je zatražila angažovanje helikoptera OS BiH za gašenje požara iz zraka, zbog nepristupačnosti i miniranog terena za gašenje požara sa kopna.

Federalna uprava civilne zaštite je u skladu sa svojim nadležnostima razmotrila te prosljedila zahtjev za angažovanje helikoptera Oružanih snaga Bosne i Hercegovine. Oružane snage Bosne i Hercegovine odobrile su zahtjev za angažovanje helikoptera istog dana, gdje je u večernjim satima izvršeno 9 preleta, ali je i nakon toga požar i dalje ostao aktivan.

U jutarnjim satima dana 30.3.2017. godine, helikopter Oružanih snaga Bosne i Hercegovine nastavio je sa djelovanjem na požarište u 10 navrata, a u popodnevnim

satima u 20 navrata, kada su na terenu u Općini Konjic bili i predstavnici Federalne uprave civilne zaštite, s ciljem sagledavanja stanja i poduzimanja dodatnih mjera na lokalizovanju više požara koji su nastali na više lokacija. Već narednog dana 31.3.2017. godine, požari u Kanjini, Čelebića brdu i Orahovici Općina Konjic su ugašeni uz pomoć profesionalne vatrogasne jedinice Općine Konjic, radnika Šumskog gazdinstva Prenj (koje gazduje šumama na navedenim lokacijama) i članova lovačkog društva iz Konjica, a u popodnevnim satima (od 17:30 do 19:00) i Helikopter Oružanih snaga Bosne i Hercegovine je uspio izbaciti između 15 -18 kanti sa vodom.

Aktivnosti na gašenju požara kod Boračkog jezera na više lokacija nastavljene su i narednih dana uz puno angažovanje helikoptera Oružanih snaga Bosne i Hercegovine u jutarnjim i popodnevnim satima, a u gašeni sa kopna na lokacijama koje su pristupačne i koje nisu minirane gasili su:

- profesionalna vatrogasna jedinica Općine Konjic,
- radnici Šumskog gazdinstva Prenj,
- članovi lovačkog društva iz Konjica.

Navedene aktivnosti na gašenju šumskih požara kod Boračkog jezera, nastavljene su sve do potpunog lokalizovanja svih požara u Općini Konjic.

Uzroci nastanka požara je još uvijek nepoznat. Uništeno je više hektara šume, materijalna šteta je velika.

U nastavku ističemo da je u skladu sa Programom rada Federalne uprave civilne zaštite za 2016. godinu, Federalna uprava civilne zaštite kao obrađivač pripremila i uputila je Prednacrt Zakona o izmjenama i dopunama Zakona o zaštiti od požara i vatrogastvu, na 84. sjednici, Vlade Federacije Bosne i Hercegovine koja je razmatrala Prednacrt Zakona, te je, uvažavajući primjedbe iznesene u raspravi Zaključkom V. broj: 2237/2016 od 23.12.2016. godine, zadužila Federalnu upravu civilne zaštite da, doradi Prednacrt navedenog zakona.

Obrađivač ovog zakona Federalna uprava civilne zaštite ugradila je u Prednacrt Zakona i odredbe koje se između ostalog odnose i na delegatsko pitanje delegatkinje Doma naroda Parlamenta Federacije Bosne i Hercegovine Vesne Saradžić i to:

Odredbama čl. 16., 17. i 27. Zakon o zaštiti od požara i vatrogastvu između ostalog predložene su izmjene i dopune, odnosno mjere i sankcije (tekst predloženih izmjena i dopuna ugrađenih u osnovni tekst odredbi „bold“) kako slijedi:

U članu 16. stav 1. dodaje se nova tačka koja glasi:

“6) donosi odluku o uslovima i načinu spaljivanja poljoprivrednog i drugog gorivog otpada biljnog porijekla na otvorenom prostoru;”.

U članu 17. stav 1. dodaje se nova tačka koja glasi:

“5) izrađuje odluku o uslovima i načinu spaljivanja poljoprivrednog i drugog gorivog otpada biljnog porijekla na otvorenom prostoru;”.

Nadalje, odredbama člana 27. Prednacrt Zakona, pojačane su mjere zaštite šuma od šumskog požara, tako što je predviđena zabrana loženja otvorene vatre u šumama i na šumskom zemljištu, kao i na drugim zemljištima na udaljenosti od 150 metara od granice šume, kao i spaljivanja poljoprivrednog i drugog gorivog otpada biljnog porijekla na drugim zemljištima kada postoji opasnost za nastanak i širenje požara.

„Član 27.

Opće mjere za zaštitu od požara, u smislu ovog zakona su:

- 1) izbor lokacije i dispozicija građevine, kao i izbor materijala, uređaja, instalacija i konstrukcija kojim će se spriječiti ili svesti na najmanju mjeru mogućnost izbijanja i širenja požara;
- 2) izgradnja prilaznih puteva i prolaza za vatrogasna vozila i tehniku;
- 3) izgradnja požarnih stepeništa i pomoćnih izlaza;
- 4) osiguranje potrebnih količina vode, **ugradnja pasivnih aparata za početno gašenje požara** i drugih sredstava za gašenje požara;
- 5) organiziranje osmatračko - dojavne službe, izrada i održavanje protivpožarnih prosjeka i puteva, osiguranje opreme i sredstava za gašenje šumskih požara, te druge mjere zaštite od požara na otvorenom prostoru;
- 6) **zabrana loženja otvorene vatre u šumama i na šumskom zemljištu, kao i na drugim zemljištima na udaljenosti od 150 metara od granice šume, kao i spaljivanja poljoprivrednog i drugog gorivog otpada biljnog porijekla na drugim zemljištima kada postoji opasnost za nastanak i širenje požara;**
- 7) zabrana upotrebe otvorene vatre i drugih izvora paljenja na mjestima i prostorima gdje bi zbog toga moglo doći do požara;
- 8) izbor i održavanje tehnoloških procesa i uređaja kojima se osigurava sigurnost protiv požara;
- 9) postavljanje uređaja za javljanje, gašenje i sprečavanje širenja požara, uređaja za mjerenje koncentracije zapaljivih i eksplozivnih gasova, para ili prašine u vazduhu i drugih uređaja za kontrolu sigurnog odvijanja tehnološkog procesa;
- 10) održavanje i kontrola ispravnosti uređaja i instalacija čija neispravnost može uticati na nastanak i širenje požara;
- 11) obuka svih zaposlenih lica i građana u praktičnoj upotrebi aparata za gašenje početnog požara, kao i drugih priručnih sredstava i opreme za gašenje požara.

Opće mjere iz stava 1. ovog člana dužni su provoditi svi vlasnici i korisnici građevina i prostora koje koriste u svom radu.“

Isto tako, u odredbi člana 169. Zakona, usklađene su kaznene mjere sa tekstom predloženih izmjena i dopuna ovog zakona.

“Član 169.

Novčanom kaznom od 100,00 KM do 800,00 KM kaznit će se za prekršaj fizičko lice:

- 1) ako ne provodi opće mjere za zaštitu od požara (član 27.);
- 2) ako loži otvorenu vatru i **spaljuje poljoprivredni i drugi gorivi otpad biljnog porijekla** suprotno odredbama člana 27. stav 1. tač. 6) i 7) ovog zakona;“

S tim u vezi, obrađivač ovog zakona Federalna uprava civilne zaštite, u skladu sa članom 25. Poslovnika o radu Vlade Federacije Bosne i Hercegovine (“Službene novine Federacije BiH”, br. 6710, 37/10 i 62/10), za jednu od narednih sjednica Vlade Federacije Bosne i Hercegovine, dostavit će zakon u formi Prednacrt zakona, koji će nakon utvrđivanja biti dostavljen u redovnu parlamentarnu proceduru za njegovo donošenje.

Dostavljeno:

1. Naslovu,
2. a/a.

